

mihi (a) Juliano Præbenda ipsius D. Jacobi per D. Odolricum de Ragonia, & per Capitulum prædictæ Ecclesiæ Civitatis. Et Mansionaria mea prædicto die data fuit Johanni fratri meo.

Item ego (b) Johannes celebravi primo. Missam nono die, Majo, currente Dominica per C. anno Domini M. CC. XCIV.

Item eodem anno facta fuit fenestra apud Majus Altare, XI. die exeunte Novembri: & fuerunt factæ in S. Donato, & sub Confessione in illis diebus ante quatuor, vel quinque.

*De verra illorum de Castello, & de Zuccula.*

Anno Domini M. CC. XCIV. die decimo intrante Novembri, D. Artuycus de Castello cum adjutoribus suis, scilicet D. Federico de Varmo, D. Symone Cucanea, illis de Pulcinicho, D. Francisco de Rivarotta, & forsan aliis, deprædatus fuit D. Johannem de Zuccula occasione bonorum quondam D. Valteri-pertoldi de Spengynberch; quia ipse D. Artuycus volebat medietatem propriorum tam Castellorum, quam etiam familiarum; eo quia uxor ipsius D. Artuyci tantum fuit D. Valteropertoldo, quantum D. Johannes de Zuccula. Versaque vice D. Johannes de Zuccula, facta sua congregatione, videlicet cum omnibus illis de Villalta, de Prata, de Rifimberch, de Prampercho, D. Johanne & D. Utulino de Portis, & aliis quampluribus; & ceperunt deprædare ipsum D. Artuycum, & suos adjutores pro posse similiter. In adiutorio vero ipsius D. Johannis miserunt Tergestini bene ducentos pedites, qui venerunt in Civitatem, & iverunt Zucculam, undecimo die intrante Decembri. Et tunc die tertia subsequenti, scilicet in Festo S. Lucie, ipsi Pedites cum illis de Villalta, de Prata, de Prampercho, de Rifimbercho, & de Petra-pelosa, & cum filiis D. Aquini de Varmo, unusquisque cum toto posse suo, intraverunt villam Fagedis; qua D. Odolricus de Cucanea exivit eis obviam cum XI. & munitionibus eis patefactis, & reſeratis, intraverunt una cum eo villam prædictam: & ceperunt Dominos Thomasiū-Varnerum Canonicum Civitatisensem de Cucanea, Artuycum filium D. Francisci de Seraval. Vidotum de Fagedis, & alios. Et duxerunt eos ad Spengynberch, & eos illic in vinculis tenuerunt præter D. Thomasiū, qui dimissus fuit precibus Communis Civitatis, necnon bonis securitatibus factis super hoc, quod partim adjuvaret in dicta verra. Deinde inceperunt omnes comburere domos Massariorum, vites roncæ, & etiam homines capere, qui erant de parte; & facere omnia mala. Venit autem in subsidium D. Artuyci de Castello D. Gyrardus de Camino cum magna multitudine hominum, equitum, & peditum, necnon & curruum: & obsedit Castrum illorum de Villalta nomine Varii, VIII. die intrante Aprili, cum omnibus illis qui erant de parte. Quod quidem Castrum cum machinis & aliis ædificiis expugnabant. Sed videntes intrinseci, quod se defendere non valebant, eis ipsum Castrum dederunt die tertio subsequente, tali pacto: quod salvi & sani ire deberent cum omnibus bonis, quæ accipere voluerunt de ipso Castro. Quod ita factum fuit. Deinde die crastina D. Dietalmus de Villalta timens, ne ipsum Castrum diruerent, & ne sub Villalta venirent ad runcandum & destruendum, venit ad loquendum D. Gerardo de Camino: & dixit, quia volebat tractare de concordia & pace, si posset; & ita filuerunt partes, & fe-

cerunt trevas. Et finaliter fuerunt concordæ hoc modo, In vigilia S. Georii; quia Castrum Varii restitutum fuit illis de Villalta: & illi, qui fuerunt capti Fagedis, dimissi fuerunt hoc pacto etiam habito; videlicet, quia D. Artuycus de Castello elegit duos suos amicos, Dominos Leonardum de Barzacho & Franciscum de Rivarotta; & D. Johannes de Zuccula elegit D. Henricum de Prampercho, & D. Quoncium de Civitate pro suis amicis. Et quod isti quatuor deberent videre jura utriusque partis usque ad Festum S. Petri. Et si eos concordare non possint, debeant ipsi quatuor eligere unum quintum amicum: & si non possent de quinto amico eligendo se concordare, tunc ille de Zuccula deberet facere restituere Castrum de Varii illi de Castello: & ille de Castello debebat illos, qui fuerunt capti Fagedis, similiter facere redire ad Spengynberchum, ut prius fuerant, in carcere: & hoc sub pœna LX. Marcarum de bono proprio ad usum Curie, deveniendi parti quæ prædicta observaret, si concordæ esse non possent, ut dictum est. Et de attendendis, & observandis omnibus supradictis factæ fuerunt bonæ securitates per ipsas partes, una alii, & instrumenta. Et factæ fuerunt trevæ inter eos usque ad Festum Purificationis S. Mariæ sub pœna mille Marcarum. Et omnia hæc facta fuerunt super ripam Cormon, præsentibus D. Raymundo Patriarcha, & D. Girardo de Camino, & aliis pluribus Nobilibus.

*De cassatione Canonorum electorum Civitatisensem.*

Anno Domini M. Ducentesimo Nonagesimo sexto Indictione nona, Ven. Pater & D. Raymundus Patriarcha, die X. intrante Januario, in Palatio Aquilegiensi, cassavit omnes electos, & receptos in Canonicos Civitatisensem Ecclesiæ, quia non erant confirmati per Curiam Romanam, vel per ipsum Patriarcham.

*De electione, coronatione, & renunciatione olim F. Petri in Papam Celestinum V. electi.*

Anno Domini M. CC. XCIV. (c) Indictione VII. F. Petrus de Murone electus fuit in Papam Celestinum V. die XII. intrante Julio, Cardinalibus existentibus apud Perusium, & coronatus apud Aquilam Civitatem Terræ Abrucii, VIII. die intrante Septembri. Qui Papa Celestinus eodem anno die XII. intrante Decembri renunciavit in manibus Cardinalium Papatui Neapoli.

*De electione Bonifacii Papæ. (d)*

*De fossatu burgi S. Petri.*

Anno Domini M. CC. XCVII. die V. exeunte Januario, fuit inceptus fossatus burgi S. Petri fodere.

Anno prædicto Henricus filius D. Alberti Comitæ Goritiæ disfidavit Rev. Patrem D. Raymundum Patriarcham Aquilejensem die XIII. intrante Januario, cum esset Aquilegiæ Patriarcha prædictus: & fecerunt uterque inter se magnum damnum.

*De Militia D. Henrici Comitæ Goritiæ, & aliorum.*

Anno Domini M. CC. XCVII. prima die Decembris Rev. Pater D. Raymundus Aquilegiensis Patriarcha fecit Milites D. Henricum, filium D. Alberti Comitæ Goritiæ, cum quibusdam suis

Theo-

ter Juliani. (c) sic in Codice. (d) Desiderantur in Codice, quæ scripserat Chronista.

(a) Hic Julianus primus est ac præcipuus hujusce Chronici Auctor. (b) Alter Chronici Auctor est Joannes, fra-